

MANITOBA ANISHINAABE ISHOONIIWI-KIHKINOOHAMAAKEWIN  
MAAMAW OTANHKAATAANAAWAA E-ONAHTOOWAAC KE  
ISHI-PIMOOCIKAATEKIN ISHKOONIIWI-KIHKINOOHAMAAKEWINAN  
UNIVERSITIES, COLLEGES KAYE PUBLIC BOARDS

CI-NIIKAANICIKAATEK KIHKINOOHAMAAKEWIN ANISHINAABENAAK

Niinwiwint universities, colleges kaye public school boards ohomaa Manitoba, niciihkentaamin anishinaabek otishkooniik kaye okihkinoohamaakek kaa-piitooaac okikentamaawiniwaan ishkooniwi-kihkinoohamaakewikamikoon, kaye ineniwan anishinaabewi-kihkentaasowonan kaa-ishi-pimoocikaatekin. Ami oneniwan ke-kii-kihci-aapatahkin ci-kihkinoohamawitwaa ikweniwak kahkina awiyak Manitoba kaa-natawentamowaac ci-kihkinoohamawitwaa.

Nikihkentaakohtoomin kaa-ishi-paahpahkaanihsekin kekoonan anishinaabenaak, wiisaakotewiniinaak kaye Eshkiimek otishkooniik kaa-otahkaanesiwaac kaye otishkiishwewiniwaa, otishi-pimootamaasowiniwaa, weshkac ishi-kihkentaasowin kaa-ishi-nisitawentaakwak. Nikihkentaakohtoomin kaa-ishi-waawiihiwewaac anishnaabek, Cree, Oji-Cree, Dene, Dakota, Eshkiimek kaye wiisaakotewiniwaa.

Ninihsitawinaamin kaa-ishi-maamawacikaatekin nahkomitoowinan, anishinaabek ekwa nahkomitoowinik ishi-kanawenimitisowinik ohomaa ahkiiwi-onashoowewinik ekwa ishi-nihsitohtamowinan, kaa-ishihsekin nohkmitoowinan ohowe noonkom kaa-kiishikaak ohomaa Canada.

Ninihsitawinaamin kaye kaa-ishi-anaamentaakosiyaak kaa-ishi-tawihseyaak ci-niikaaniitamaakeyaak ishkooniwinik, ci-onahcikaatek kaye ci-niikaanacikaatek ishkooniwi-kihkinoohamaakewin anishinaabenaak, ihiwe kaa-ishi-onatamawitwaa (UN) kaa-ishinihkaatek ahkiiwi-onashiwewinik.

Niwiicitoomin kiiwe-mino-wiiciiwitowin anishinaabenaak ekwa wemitikooshiinaak ohomaa Manitoba, ihiwe kaa-takwak maamiinwacikewin wiiciiwitoonik ekwa kaye wiitanohkiimitoonik. Amihowe ke-wiiciihwemakak ci-oci-mashkawikaapawiiwacikaatek mino-wiiciiwitoonik kaa-ishi-paahpahkaanahtekin otahkaanesiwinan. Mishtahi wiiciihitoowin kaye anohkiiwin ta-takwan ke-oci-minohsekin tashiikewinan, ci-ishi-onacikaatek kiitwaan piko ci-pahkwenamaatiyak kitishi-pimaacihitisoninan ani-niikaakan. Mishtahi tahsh ta-takwan mamitonentamowin ishi-tepwewinik kaye kiiwe-mino-wiiciiwitoowinik ohomaa Canada ci-anohkaatek ishkooniwi-kihkinoohamaakewin ami ohowe kaa-ishi-onacikaatek June 2nd, 2015.

ISHINIIHKAASOWINAN INSHKOONIIKAMIKOON  
KAA-WII-ANOKAATAMOWAAC:

1. Ci-wiitanohkiimitwaa anishinaabek ci-nihsitawinikaatek kaa-ishi-tepakenomowaac ci-wiicihitisiwaac kaye ci-niikaanentaakwak mino-wiiciiwitowin. Ci-kihkinoohamawitwaa ishikiishwewinan otakaanesiwinik kaye kihkinoohamaakewin oci-wiicihitisiwinik.
2. Ci-niikaanahtek anishinaabewi-kihkentasowin, ishikiishwewinan ekwa weshkac ishi-pimootamaasowinan, kaa ishi-onahtekin ishi-kihkinoohamaakewinan.
3. Ci-niikaanentaakwahkin nanaatonikewinan ke-oci-kihkintaakwahk kehte-ishi-pimaacihitisoowinan anishinaabenaak.
4. Awashime ci-nakinikaatekin ke-oci-wiicihitwaa otishkooniik anishinaabe ishi-pimaacihonon kaye kehcinaac ci-oancikaatek kihkinoohamaakewin ke-oci-minohsek pimootamaasowinan.
5. Maamaw ci-anohkaatek ke-ishi-minohsenik owiicihikoowiniwaa anishinaabek otishkooniik.
6. Ci-oshicikaatekin ishkoonookamikoon ineniwan ke-kii-wiiciihwemakahkin paahpahkaan ishi-otahkaanesowinik kaye ci-anohkaatek ci-nakaanikaatek pakwaantiwin kahcinaac ci-mino-wiiciiwitinaanawak.
7. Awashime piko ci-naakatawapaacikaatekin ci-minohsekin anishinaabewi-ishkooniwinan.
8. Waaptahiwewin kaa-minohsekin anishinaabek otishkooniik okihkinoohamaakewin kaye okihkinoohamaakek kaa-ishi-minohsewaac.
9. Ci-anohkaatekin nanaatok otishihsewiniwaan Anishinaabek, Eshkimek kaye Wiisaakotewiniwaa Otahkaanesowinan ohomaa Manitoba okimaawinik kaye kaa-ishi-onacikaatekin otanohkiik ke-ishi-pimootooaac anohkiiwinan; ekwa.
10. Okimaawiniwaa ekwa kotakiyan anohkiitamaakewinan oci-aniwaak ci-tawinamawitwaa anishinaabe otishkoonik ke-oci-tepinamowaac anohkiiwinan ahpii kiishitoowaac ishkooniwin.

Ishinihkaasowinan kaa-ishi-niipitesinahikaatekin. Kaa-ishi-papiihkisi-onacikaatekin ishkooniikamikoon, maamaw ci-anohkaacikatekin onacikewinan ke-ishi-pimoocikaatekin kaye ke-ishi-minohsekin kihkinoohamaakewinan ishkoonookamikoon kaye ke-ishi-mino-wiiciiwitinaaniwak maamaw anohkiiwinik. Oneniwan tahsh ahshotamaakewinan 5 tahso-ahki inikok ishi-onacikaaniwan ci-anohkaatekin oneniwan anishinaabe ishkooniwi-kihkinoohamaakewinan ekwa tahsh 2016 ahkiiwin ta-ishi-maatanohkaatewan oneniwan onacikewinan.



Mr. Mark Frison, *President*  
Assiniboine Community College




Mr. Ken Cameron, *President*  
Manitoba School Boards Association



Dr. David T. Barnard, *President and Vice-Chancellor*  
University of Manitoba



Dr. Gervan Fearon, *President and Vice-Chancellor*  
Brandon University



Mr. Paul Vogt, *President and CEO*  
Red River College



Dr. Annette Trimbee, *President and Vice-Chancellor*  
University of Winnipeg




Dr. Cheryl Pauls, *President*  
Canadian Mennonite University



Dr. Gabor Csepregi, *President*  
Université de Saint-Boniface



Mr. Paul Holden, *President and CEO*  
Manitoba Institute of Trades and Technology



Mr. Konrad Jonasson, *President and Vice-Chancellor*  
University College of the North